

14
1544
148



14
1544
148

童山詩集卷三十五

綿州李調元雨村

丁巳

二月十八日宿張可恒醫室

一間藥室兩間床
剛臥童山一老狂
只恐壺盧裝不下
長身擁壘費長房

白魚舖有彭生饋
鹽魚有感而作

煮我誰能及老彭
得非膠鬲饋余烹
老來作事真堪笑
尚捧乾魚欲放生

主人恩義未全衰
枯骨何時再高池
尚想當年魚水契

童山詩集卷三十五

童山詩集卷三十五

綿州李調元雨村

丁巳

二月十八日宿張可恒醫室

一間藥室兩間床剛臥童山一老狂只恐壺盧裝不下
長身擠壞費長房

白魚舖有彭生饋鹽魚有感而作

惠我誰能及老彭得非膠鬲饋余烹老來作事真堪笑
尚捧乾魚欲放生

主人恩義未全衰枯骨何時再畜池尚想當年魚水契

如今空作過河悲

乾隆五十九年余過白魚舖偶坐茶坊主人尹姓
乞詩贈以二十字云路往什邡城茶坊要留句也
算途人中知己偶一遇今再至則坊已易主有粵
人張良宗尚能背誦出楮乞書因再和之

舊詩已遺忘君能述吾句如何在粵時此才獨未遇

借禮汀訪法參

禮汀春盡邀我遊爲指法參居林邱風知客到門先啓
雨打花殘徑更幽我見古栢戲榭揖昂然不動階前立
畢竟牡丹解迎人澆之以茶使沾濕

禮汀有盆蘭爲縣尉周青門所借旣而見還並書

以詩禮汀邀余與釋際徹法參同和

蘭花何必定禪堂空谷從來總是芳一自善人同室後
至今坐久不聞香

附原作

周佩蘭 青門

九畹清姿傍法堂移來小署挹芬芳拈花微笑西來
意只合仍供佛座香

附同和

達 徹禮汀

幽蘭原愛居陰谷偶近陽光便吐芳底事花來即萎
謝爲因福過滅微香

際徵文殊

白甘老醜隱山堂忽向拳盆挹露芳但得春風輕護
惜不居林下也幽香

法參

盆蘭一自入琴堂遂覺閒花百不芳富貴場中留不
住仍回林下散清香

羅漢寺和縣尉周青門佩蘭壁間韻

竹林深處鳥關關借得亭臺盡日攀礪齒有泉供我漱
點頭無石任他頑學歌僮蠢舌都做乞字人多腕不開
年過六旬猶作客祇因癖性愛遊山

贈唐萼光秀才

聲名久已擅文場鬚鬢如今半帶霜人說解經如孔鄭
我憐書法似蘇黃封碑羅漢同鐫石設館瑩華不下岡
為問高徒七十二可能藝過右軍王

茂州廣文車孝廉粹齋書涪州人寓什邡白魚舖

枉顧並邀至家出所著詩文為贈二絕

近來州郡無佳志網讀君詩志不如聞道岷山江水出
可能再續導江書

貴妃原產茂州鄉遺下臙脂水亦香可惜無因見傾國

玉環生性愛霓裳君有愛姬武氏茂州產是日以觀劇未獲見

再遊嘉定凌雲寺僧涵池請詩爲題大佛巖上
老來久棄遊山屐又上凌雲陟九巔山色戀人留不得
灘聲恐客漸思旋花能解語工勾引藕爲多絲屢斷蓮
堪笑金人成佛後葛藤依舊滿身纏

燕子曲

在德陽作

朝見燕作窠暮見燕生子子成已飛去客猶在堂裏
燕子在梁上客子在梁下同是借居人相看莫相怕
高居避鼠貓哺食覓蟲蟻可憐燕一生辛苦只爲子
燕子家何處雙來亦雙歸如何獨居客不得效于飛

睢水關

風聲兼挾雨聲驕河下灘聲夜夜朝聞道山中新有虎
望兒不憚隔山瞧

八月初五日玉溪過訪因園桂花盛開同作

無端風浪走天涯拾得明珠手內拏奔月蟾蜍仍返窟
駕雲玉兔未還家客逢衛玠神先爽樹遣吳剛斫更賒
此日同來金粟藏人間香國不須夸
金丹點點滴蒼苔夢裏聞香眼始開已分飛花雲外去
誰知桂子月中來風飄雨打雖無主日暴晴吹豈有埃
道是仙胎人不信廣寒宮裏再親栽

附

張懷淮

風雨連朝好駐車阿翁別業在烟霞老來性辣真同
桂樹到秋深始着花粟粟低垂高士屋紛紛香過別
人家一枝忙喚兒童折揮向瓷瓶故故斜
四桂扶疎四面開小軒延月共徘徊果然子落人間
少信是香從天上來翁向西河求玉斧我陪北海飲
金杯而今要借淮南種苧看叢生滿澗隈

和桐城姚姬傳雞太史見寄元韻並附寄祝芷塘

袁香亭兩同年詩

自分相思夢寐間忽聞消息慰顏顏九年坐擁南京席
萬卷高於北峽關聞與王維談佛近謂王夢樓先生應知袁虎

共舟還謂袁子才前輩自慙蘇老甘心退尚悔從前作辨姦

桐城驛路雪霜間憶在君家醉別顏往日爭馳龍尾道

只今高卧鹿頭關故人半受衡文聘謂孫心蔣祝芷塘張慕青王少林皆

作山長英物先看奪錦還長君已登王子鄉薦我輩功名真似戲何

須核實論忠姦

附原作寄懷李雨村同年癸未庶吉士 姚 魏姬傳

故人與我尚人間衰髮無多皺滿顏地勢最難通蜀
道天涯各自倚江關流傳文筆知消息愛賞溪山孰
往還閉戶不妨論事業發揮潛德又誅姦

和姚姬傳寄祝芷塘韻

吳蜀相望又十年餘生難買下渝船應知蒼髮看俱老
可得紅顏似少妍淞水半江并剪外錦城雙節浣花邊
煩君就近因風問去歲書曾到海壖

附寄祝芷塘

姚鼐

君任華亭五六年東風輒為望江船料應玉兒疏今
衰醜却誦瑤篇轉妙妍地上朋儕餘有幾天涯風雨
颯無邊白頭垂憶平生事又寄傷情到海壖

和姚姬傳寄袁香亭韻

當年同第望龍頭有客傳能造鳳樓內外分頭各南北
功名到手幾春秋機雲聲價馳吳地軾轍文章遍粵州

獨我天隅甘寂寞江干日理釣魚鈎

附寄袁香亭

姚鼐

同歲書生盡白頭異時江國共登樓蕭條身世餘孤
策歷落山川又九秋雲出易迷巖曲岫鴈飛難到海
南州却聞壯事猶能作談笑吳霜拭佩鈎香亭書言在南粵治兵

送侄朝塏舉乙卯鄉薦北赴春闈

自汝少多病讀書愁太勤誰知三載濶聲忽九秋聞滄
海珠寧棄瀛洲席應分老人扶病送徒倚到斜曛

答學士王春甫懿脩寄懷原韻

辛巳孟春忽接春甫同嗣君編脩蓮甫

宗誠書

並以詩問訊有身倦暫思依錦里才高直欲上
青天荆高燕市歌相和目斷冥鴻向左綿之句
時春甫已予告留京就養蓮甫卽乙卯蜀闈朝
壇座師也余醒園竹林有何須問三字用王子
猷事來書以爲佳故末句答之

宦海真如海上船雲帆轉眼忽無邊我無官與應歸矣
君有微疴可霍然却羨小郎扛大鼎頻教短李望長天
竹林實有何須問乞賜書題到左綿

七月十三日遊昭覺寺是日甚熱

長林雲氣鬱蒼蒼六十年來始徜徉十頃稻黃金布地
萬竿竹紫鐵爲槍僧房真箇如冰冷官路居然似火湯
圓悟禪師今不見誰將六祖塑中堂

昇仙橋小憩卽駟馬橋

秋陽如甃暫停車駟馬橋頭喚魚茶怪道行人盡攜藕
橋南無數白蓮花

寄酬雙流縣鍾明府

逢泰

明府余典試粵東時所取士也今年七月十八
日余因追亡至邑告以故立卽捕獲梃責並贈
饁金蓋師生相看漸皆皓首矣臨別爲之惘然

寄詩志謝

自甘老病卧江村不意今秋復出門師友重逢如夢寐
鬢須相看各銷魂門懸白楮風霜蕭木過朱衣雨露恩
細數及門人七十目中惟汝一人存

重陽借玉溪登半天亭

從來佳日是秋多老怯登臨可奈何喚作半天仍半地
却能望水望山阿一生不作墦間乞雙塚曾吟陌上歌
是日望見姚趙二妾墓興盡只思歸去好吾廬尚隔一池荷

附同作

張懷淮

重陽作客到綿州且把登高當出遊楓葉雨來人戴

笠菊花風起蝶飛樓巴東聞說添新鬼地下誰能喚
醉侯却笑我翁天半立蒼生何處不擡頭

困園雜詠二十首

擘破莢中細纍纍珠相似美人雙淚垂錯認相思子
紅豆樹

雙雙紫蝴蝶飛入西園道栩栩不肯歸化作園中草
紫蝴蝶

我有綠雲扇寄在瞿曇家年深用不得變作碧蓮花
海芋

金釵以為股雀髀以為莖并是誰家墮春來石上生
金

欽花

江南有奇草空瓢能作樹至今零陵人生女白如瓠通

翠匙不啻羹綠箸乃如挾花吐禹餘糧草比堯時莢筋

應是巨靈仙遺得拓山手捧出太華蓮長獻西王母仙

吾聞秀不實未見實不秀却勝多稼田可備荒年糗無

庶羞三十珍燕食棋其一昔為天子嘗今為賤者贄雷

松風

金蓮從地湧蕊大却難開為問散花女何時甘雨來旱

名蕪菱落異非松剛介同批鱗九重上司甲萬花中鐵

好於每見細多才實為患不見鐵線蓮尚有未開瓣鐵

有實曰棚杆無實曰柞械青岡秋風來皂斗如雨落青

穗珠可余拂椀木能棒鬼試問覘與巫佛在鬼有幾無

蜀有黃連草亦有黃連樹
蟻子藏其間
嚙人不知處
黃連樹

柳綿飛度日
楸線正抽時
木王渾不識
認作蒜薹枝
線

李乃仙之木
云何鼠李多
根株雖共族
鼠竊奈如何
鼠李

藥性明
諸易枝形比
擬難老身
風易侵
換骨作金丹
九節風

葉似虎耳草
花如鐵腳棠
何須羨松柏
小草亦凌霜
長

樂花

靨紅嬌若醉
錦簇爛成圓
送與佳人插
飛鸞入髻邊
錦帶花

贈命士彭玉輝

理窟從來元又元
惟若勃窣探根源
口如隋陸能雄辨
身似侏儒不飽飧
彭祖休誇八百歲
李聃只用五千言
相逢若各爭家世
亦恐難知本命原

悼僕宋通

天津東岸是儂家
一帶垂楊江路斜
生小海濱漁艇上
誰教萬里到三巴

歲暮高秀才

步雲

見過

清風動幽竹明月上高梅忽聞良友至相與傾深杯天
寒地凍銀海眩雪花如掌撲人面不是高人那肯來况
遭俗物頻相踐問君來胡為久濶苦相思聞道行起用
勸駕切無遲君言為我懷誠好所惜此言君欠早百樹
梅花我主人我去只恐梅花稿

釣魚竹枝歌

聞諸弟諧姪日以釣魚為樂因作竹枝歌戲
之

穿遍清渠與濁渠斜風細雨釣皆虛萬家溝裏君休去

上釣無非小白魚

董家山上林家塘緣木求魚魚半藏前田半處滿答箸
今再來時携空筐

桃花魚美鯽魚肥晨光出門星未晞忽有巨魚截釣去

月明空抱斷竿歸

熊家溝轉鹿家林草笠芒鞋踏柳陰一自換塘人散後

一魚也不上敲鍼

俗以塘魚售人名曰拚塘

弟兄樂事世間無童冠曾遊老亦俱惟有九臯癡絕甚
隔林投石故驚魚

釣客將蝦為釣餌塘翁以酒作塘媒既施魚又兼施酒

重刊詩集 卷三十五
落得朝朝醉飽回

題沈家竹閣二首

沈家閣後好琅玕四面清疎月一灘昨夜乍驚風驟起
二雙拳雀話秋寒

今宵萬箇更瓊瓏風不搖時月正中天遣月風傳畫本
粉墻筆筆活交同

獨遊龍神堂訪寬戒不值有懷寂慧

人情翻覆幾時平蠻角蝸中久戰爭忽踏片雲何處去
空留孤月向人明性如葺桂應同悔眼看滄桑世漸更
惟有塔前一池水終年徹底自沉清


預碑歌 并序

仁和周謙字莘圃壬辰進士爲高縣令乾隆乙
卯年十月重修文廟於大成殿後掘土丈五得
一石碑其文云推算先天九九欠三鼎造石尹
擇修周官愈陞愈美越高越妍諸生輔翼科甲
綿綿癸丁壬丙龍真穴全無怠厥職令子肖賢
要知修者仍是身前提沒當日出現今碑旁
大書預碑二字年月漫漶不可識計廟修於康
熙五十三年爲姓石者建至乾隆六十年周君
得之實七十八年恰符九九欠三之語建造姓

氏向址無不符合亦奇事也莘圃徵詩甚夥余
婿于溪其本房門生也屬余作歌因賦之時嘉
慶二年丁巳十月初一日也

乾隆乙卯月季秋奇碑出自古高州問誰掘得今縣尹
仁和進士其姓周周君名謙字莘圃前身曾作高州王
當年姓石今姓周同爲此地民父母適修孔廟建大成
鳩工築土聲登登忽然掘地一丈五康熙碑字皆可憑
碑文奇古十六句蝌蚪盤螭句各四鼎造石尹擇修周
旁書預碑雙大字記年九九恰欠三前因後因畢詳參
天地氤氳寧有意妙合旋教作妙談我聞佛氏前

見之正史僅一二羊祜本是李家兒五歲便知玉環取
王珉子爲胡沙門初生能解外國語其他洞真皆非真
商云張蔡尤欺人王維畫師非宿世李白如來豈後身
世人貴耳多賤目翻因所見悟本末桐枯生子原不死
蠶蛹爲蛾何須哭蜃入海市能幻樓不知前生原雉雀
鷹交春氣變爲鳩不知前生乃鷓族人言老不轉少年
不知子在如身然臭皮脫去骨仍是血肉雖流種自傳
偶因預碑一摹撫豁然悟出萬姓譜不知我後姓爲誰
但願亦如周莘圃



童山詩集卷三十六

綿州李調元雨村

戊午

正月初七日題曹大姑壁

今年心事頗忡忡
人日題詩又不同
川北羽書飛過境
巴東舟楫更難通
家饒絲竹惟行樂
年過桑榆志尚雄
蠢爾么膺當就繫
不知誰作漢終童

清明偕玉溪礎兒至醒園

醒園常見人來醉
試問何人號獨醒
大抵百年俱傳舍
何堪三徑剩危亭
洞無人至空延月
壁有詩題半使星

童山詩集卷三十六
惟慮柏根拋廢圃顧兒不覺屢丁寧

困園假山成二絕

困園本是水爲國安得雲巒慰眼枯黃鳥生成老夫客
飛來便喜止邱隅
有石瓊瓏似太湖天涯海角此峯無
蜉蝣不識出移至
猶認槐安是故都

附同作

張懷漑

愚公移得此山至歷落嶽崎亦可夸
便有彩雲當面落是誰偷剪海東霞

巖巖氣像峻峭骨怪底疑從鷲嶺逢
見我欲教頰下

拜原來他是丈人峯

夏初困園雜興

夏初不是栽移候昨日枝分小棣棠
惟有游蜂採香慣飛來依舊宿花房
乙乙燕爲梁上客雙雙鳩是借居禽
夜來老鶴悲何事總爲栖枝失故林

附同作

張懷漑

一枕蘧蘧日未昏無端見蝶夢中翻
醒來疑有遊園客了烏風吹自打門

大几明窓四坐清案頭卷帖眼偏明
茶鐺故作松風

響錯認沙場鐵馬聲

悼亡妾林氏 廣東人

六如塔下始逢君十載歸來井臼勤總爲殤兒埋玉早
前身竊恐是朝雲

能撫他生倍所生去年婚嫁備艱辛如今萬事都無恨
去報黃泉付託人

殤枝欲遣畧商謀便饒雙顰誓栢舟畢竟將身先我死
轉慙薄倖是菴周

同里當年有子都孫山落第學登徒可憐誤爾身榮顯
只爲羅敷自有夫

哭袁子才前輩仍用前韻二首

今年四月二十七日接江寧隨園袁子才前輩

少君通書及赴聞言子才已於丁巳年十一月

十七日辰時病故並言前歲蒙賁函海遠貽先

嚴當卽肅函申謝並寄小倉山房全集一部用

荅雅贖並和見寄詩二首不料託帶書人遇風

覆舟將札及書均被水浸漫漶不可復識仍行

寄回此去冬十月杪事也現在苦壘之中檢理

舊稿尚未覓得云云聞之大慟向南哭之仍用

見和前韻二首聊寄奉輓

懸知老子是猶龍不謂俄成馬鬣封江上馮夷停鼓瑟
山中師曠不調鐘六朝風月教誰管萬里雲天失所宗
自恨彥先慳一面生芻一束向南供

瓣香遙奉是吾師望斷龍門百尺枝詩比漁洋聲更大
老遊粵海集尤奇可能虎賁中郎似若箇驢鳴武子知
接罷和章兼接赴文章萬古更推誰

同日接江寧王心齋書仍用前韻奉寄二首

并序

來書云簡齋先生於去年八月接到函海及尊
詩二首當卽寫書和詩兼寄小倉山房集及外
集於九月交紅花客余九從水路帶來不料至

巫峽舟陷溺水書札皆濕仍舊帶回見袁函已

開尚不縷糊因錄詩奉寄云云與袁少君所言

無異但此書到日適季夏連雨亦滲漉不能讀

因仍用子才見和前韻戲答之

長江豈有愛詩漣浪打袁詩要拆封總爲文名驚水府
故遲歲月到林鐘紅花異客原難信丹桂同年實可宗
到底來書遭雨滲只宜沉浸當茶供

此老峩峩百世師無端千丈倒松枝書看虎子生成肖
寄到驪珠死後奇交晚難登名士傳年衰料得故人知
錦江不少吳船泊此後郵筒舍子誰

童山詩集卷三十一
題門生溫莊亭承恭赴華陽幕諸人贈行詩冊並

送回粵秋闈二首

見說溫生遠赴招贈詩都似贈瓊瑤蜀中山水重重秀

嶺外文章箇箇超我老後來難徧識汝兄前列記名標

冊中諸生惟記溫瑞相德慶州廩生余曾考列一等第
三與莊亭考列第五皆庠生科試同拔瑞相乃其兄也

敲金戛玉誰居一要讓楊雄自解嘲莊亭有四六
序弁首甚工

聞道蓉城動別筵一帆風送海南船誰言入幕如王猛

爭看吾門有鄭玄浪湧珠江魚鼓舞峯迴羚羊鵠騰翮

曾羅廿史非虛譽金鎖他年屬史遷余刻莊亭試牘有
曾羅廿一史之評

得甯湘維明府鏡書知己從清溪回什邡任奉賀

欣聞返署忽開顏也算生還入玉關吳質豈能長驥行
孟嘗終看徙珠還纔踰相嶺如離藏望見盤垂當故山
多少荷花如別妾相逢定各競妖嬈

和什邡尉周青門自畫墨菊見寄原韻

端陽纔過重陽早忽見東籬寄一枝畫菊居然有佳色

不由元亮不題詩

附

什邡尉周佩蘭青門
吳縣

迢遞雲山動遠思春枝無贈寄秋枝高風得遇陶彭

澤欲索困園詠菊詩

青門畫菊見贈余亦以自畫墨梅答之仍用前韻

驛使梅花寄所思老人特地寫枯枝菊花既早梅尤早
暑月先催臘月詩

題青門見惠所畫著色紅梅

着花無醜聖俞詩我見梅花亦似之總爲時人貪愛色
故教畫亦點胭脂

禮汀與余素相愛不知其能畫也近日遣徒靜安
以所畫梅蘭見寄爲題二絕句

早把梅花當小姝嬌藏金屋小西湖等閑却破禮公覺
畫我姝孃行樂圖

一生與爾臭如蘭屢館聽楚夢亦安

羅漢寺有齋曰
楚夢余每至必齋

此寄到國香是何意要余入室共盤桓

題靜安上人扇上墨蘭卽其師禮汀所畫六泉峯
客禮自名也

六泉工小畫下筆便生風怪道香難覓出君懷抱中

草鞋同張雲谷作

白分身宜着草茅侯門欲進足先膠一生不借惟鞋是
半世微官早屣拋忽見朝鞞思舊主偶逢業屨當新交
老夫近頗遊山健只恐難隨拄杖跑

附

張邦伸

一緇芒鞋遠寄將着來兩腳便輕涼不同貴客烏靴

童山詩集 卷三十六
六
樣雅趁山人簪笠裝花徑杖藜行較穩禪堂對奕脫
無妨朝天久斷王喬夢一任窓前晒夕陽

玉溪夏日寄懷詩二首有如何問却絲綸手只向
西湖下釣竿之句依韻答之

萬金買得自由身野鶴山猿分外親豪氣未除猶倔強
機心已盡尚難馴花開護草增新慟果熟文林感舊臣
縱使朝廷不遺舊爲言已作廢材人

脚不穿鞋首不冠客來最怕叙溫寒愁迎官府長稱老
喜見兒孫屢問安亦有西湖供嘯傲偶逢東郭便盤桓
六旬又五終何用十四年來一釣竿

附

張懷漑

得醉何妨換告身田夫牧豎日相親豹文畢竟終歸
隱龍性生原未易馴名刺不書前進士頭銜舊是老
詞臣近來海外梯航使頻問中朝第一人

二十年來早掛冠蕭齋風雨不勝寒髯邊白髮悲潘
岳天下蒼生望謝安尊酒隨時多遣興溪山佳處每
盤桓如何閒却絲綸手只向西湖下釣竿

題白塔寺并序

白塔寺在安縣東四十里古神泉縣也元中統
元年割石泉軍置安州以神泉西昌爲輔邑至

元十三年併入安州屬龍安洪武改爲縣本朝
雍正五年改屬綿州西昌卽今花街鎮神泉卽
今白塔寺有塔水場寺在瓜菜山下有神泉一
名金線灘嘉慶三年任持月上補葺山門屬余
題詩

神泉自昔推名縣歲閱滄桑塔尚存不有跋僧新整頓
焉知古寺舊根源玉峯壁立玉千尺金線灘流金萬村
從此人文當倍出吾詩聊當鎮山門

六月六日遊何氏梨樹園有懷九臯弟兄
詩翁不見三年久六谷園中偶載過枉有哀梨千百顆

鄰家食比主家多

種號壺蘆得最難惟君園裏結成團近來也學吾家李
一樣嫌疑不正冠

自從園主久分離典與旁人自守梨却被黃鶯偷啄落
未成先吃烏傷虧

偶來樹下避炎天一顆因風墮我前不是老年牙齒缺
有梨須讓長兄先

有好梓詩稿者多假吾名作序極力自譽以弁稿
端吾實不知作詩解嘲

作詩豈爲賺虛名况復虛名賺不成刻鵠終啞鶩相類

童山詩集 卷三十六
八
假狐空笑虎隨行失誣自愧春秋筆過幾難稱月旦評
寄語後人須細察品題多未識韓荆

題何體齋晉茹山莊

晚晴漸覺步趨輕便令肩輿亦待行松嶺未踰吾已倦
栢林欲訪主先迎豆棚瓜架山家樂茅屋蓬門國士聲
兩椀濃茶消酷暑歸來一路草風清

夏日四首在大女何氏家中作時方寡居

霹靂轟轟遠近聞前山有雨後山晴作禽莫作鴟鳩婦
風雨聲中過一生

車水田中水不加炎天辛苦是農家涼棚少婦弓鞋小

手帶嬰兒足踏車

聞道山村革社開民因祈雨搭高臺漫言影戲非真戲
金鼓聲喧雨已來

四蟲爲害祀宜虔爲禱青苗小歛錢所望田神惟滯穗
就中寡婦實堪憐

聽何體齋彈琴

不識琴中趣欣聞琴外聲總因人蘊藉故爾調和平能
得松風意還移海水情無絃何必蓄長笑老淵明

題節婦橋二首 并序

節婦橋者綿州生員何珮妻王氏所建也橋在

丙戌堰下流碑文爲先君乾隆己卯年三月初十日撰碑刻本名節壽因何九臯遷橋於東而以碑移於何氏塋西砌石圈之人跡罕到故俗呼節婦橋卽所謂桂花塋也今桂已不存祇黃連樹覆蔭碑上文字未滅因託其姪上青錄藏於家

丙戌堰前己卯碑先君手澤字依稀桂花已老人在猶蔭黃連樹百圍

何子書齋傍水坳爲言近歲屢遷橋縱然碑隔東西遠尚有人呼節婦橋

夏日村行十絕句

日上平林似火然草根珠露尚涓涓偶來細徑攜筇過無數蝦蟆躍入田

暑天處處火雲蒸喜見雲晴雨又興自是近年蔬米貴兼將豇豆種禾塍

攜得解人何體齋隨身筆硯早安排每逢水際聽鶯去不覺穿林到界牌

四面山光撲翠微出門處處鬪芳菲蜻蜓也有隨遊興故向前途導客飛

忽見青苗苞漸抽今年不患不豐收稻花最怕狂風雨

暗禱天公鎖石尤

沙鑽襪底水鑽鞋不用人扶豈用僮莫道村行無好處

隔溪一朵槿花開

秧田缺處水爭鳴尚似春耕水不平我曉水聲無別意

稻黃該讓水長行

檉柳當天日正中濃陰也算小蒼鶯乘涼不用蒲葵扇

享受人間自在風

叩門得遇好隣居一椀清茶一火爐便有老農來共話

裸裎袒裼講唐虞

劉家五尺小書童見我如逢圯上翁揖入董帷深處坐

今番不怕蟆蚊蟲

附

受業 何晉茹 體齋

日上鎔金樹欲然淙淙堤畔愛流涓農家似以鄰為

壑剩水隨他放出田

天邊霞蔚夏雲蒸助我騷情勃勃興栽滿豆苗行不

得更無捷徑到田塍

茅屋溪西別築齋何愁詩料未安排田書十字秧書

井便是天生好韻牌

良苗都趁好風抽四面峯巒一刻收好似嘉州江上

路凌雲九頂望烏尤

尋幽不枉踏芒鞋路到窮時村復來
獨樹合歡誰氏宅柴扉各自背江開

檉柳河邊雀亂鳴隔村一望暮山平
涪江晚放誰家艇一葉中流自在行

平生最愛竹虛中風蕙千梢月半弓
正欲開襟納清爽隔橋吹送稻花風

擺檉縱橫一徑微尋涼緩步踏芳菲
小禽何處藏身穩偷見人來忽地飛

不是家居是甌居思量澤國避洪爐
水深不遇乘輿產路斷何妨假道虞

錦囊收罷付奚童箇箇爭看老蠢翁
歸去不知筋骨

倦三更猶自注魚蟲

重遊石巖菴贈然愷上人三首

借何體齋作

石巖有兩菴上下非一處客喜上山行
僧返下山住昔我偕九臯遨遊尚健步
今同小阮來全仗藍輿雇然公本故人
曾在茶坪遇一見笑相迎先使蔭美樹
問我胡不襪赤脚乃無屨知我欲登山
為引山中路

靈山不在高須有靈泉流名利不在古
須有名人遊聞昔有三高讀書山中樓
其一居高甲頃刻登瀛洲宦海多翻覆
場屋生戈矛古人骨已朽爭此如天球

高第高節

皆明綿州進士而節以羅江縣籍登嘉靖壬辰賜進士
及第三人由編修署吏部員外郎以科場事敗充軍今
兩地猶爭之曰高探惟有一脉泉滋滋汔未休劃壁引
花我編人我羅人也
入厨細涓如漚浮不須竹筧遞已見盈缸收山僧昏
鼎請客品茶甌畢竟與他水臭味分薰猶便可凡胎換
豈止痼疾瘳安知百載後我輩各不留

此巖以石各有似宋星隕由星化爲石尚未鑿混沌
年深纏松蘿地茂紛葦葦橫者如走坂高者如廩困大
如犀象獰小如豺虎狼蜿蜒卧龍長蹠踟躕駟窘其一
如蝦蟆口若銜芝菌其一如鯨鯢腹可吞舟盡就中爲
石巖大厦缺欄楯下可建丈旗上可設鈎盾何子頗好

竒以身探虛牝笑謂昔崩石未知今可穩崖逼竹房歛
泉入樹根隱不知何地庖美饌備蔬筍

題石巖寺後竹二首

從來修竹不受暑多竹誰家可款門不料石巖菴後路
無端走入此君村

偶檢清幽後佛堂開門似展畫圖方只銷卧對幾竿竹
風不來時也自涼

笑僮

我聞六月其蟲僮始識人爲世上蟲但使爲人真不愧
何妨不挂一絲風

童山詩集卷三十六
瑞菴草書歌

瑞菴草書學懷素筆法頗似長沙僧自言此中得三昧
書家莫與吾爭能懷素所失在奔放君獨尺寸有衡量
懷素遺譏在疎野君獨準繩歸大雅不信試看杜甫秋
興詩八首濡筆何淋漓神妙已令鄭虔服醉勢不使張
顛知忽如高峯之轟天忽如大石之墜地忽如風送而
雲收忽如霞生而月至烟霏霧結斷仍連鳳翥龍盤軒
復軒一齊空入手册中難與懷素分真偽瑞菴沒後今
幾年伯英衣鉢無人傳近來草書誰似此惟有吾家
兒子

訪何九臯書屋題詩二首奉懷

睽違又是幾秋春不見台山老斲輪往日酒場成畏友
近時詩社算斯人未完婚嫁應回首遊遍江湖可轉身
寄語神傷苟奉倩應思伉儷倍酸辛

自笑衰頹老不禁猶能拄杖過梨林一生只與酒無分
萬事獨於詩用心尚憶紅梅同首唱風蒙青眼許知音
君見贈詩有不知幾百歲再復有斯人句深愧不當經君門口君知否蛛網書窻
鼠弄琴

遊松山寺訪高氏祠堂

山門以內盡秧田想見山荒缺粥饘一箇善人方念佛

兩廊衲子不參禪宗祠隔代成龕子廟宇當年捨宅屢
香火不忘高氏德松山精舍榜猶懸寺中有松山精舍四字乃明雲南副

使高第墨蹟今尚刻匾殿門

何二妹家招飲為賦四絕句

鶴髮雞皮鬢各絲寒泉時動凱風思老來尚記兒童事
亂用諸兄筆硯時

積善從來慶有餘含飴日日樂何如只餘一事心常歎
有子偏慵讀父書

一家婦女盡知詩刺繡才完卽硯池漫道蕭孃風韻老

贈夫新什勝關雎

甥元如繼娶山陰丞德陽蕭君起君第四女名鳳齡曾學詩于余有送詩

趙試句云願若早折蟾宮桂無負孀姑教子心

最憐弱女小天天書卷何曾手暫拋解乞雨村詩話讀
免教時傍綠窻抄

二妹明年年屆五旬擬為預慶妹言若使孤兒得
名勝於老嫗得壽時甥元茹未歸因廣其意作二

絕寄之

家世相傳女孝經撫孤八歲續門庭但求鳳詔來雙闕
勝似蟠桃祝萬齡

昔年畫荻說歐陽况復荆釵有孟光如此遭逢還遠出
倚閭何以慰高堂

惱人二首

惱人俗物只添睡急走偏無楚簟床妹解涼風北窻意
爲兄置榻候羲皇

惱人俗物漸來稀一覺南柯夢起遲怪道階前三尺水
原來風雨不曾知

七月初一日入安縣界牌聞禁戲答安令

言子當年宰武城割雞能使聖人驚前言戲耳聊相戲
特送絃歌舞太平

昔日江東有謝安也曾攜伎遍東山自慙非謝非攜伎
幾箇伶兒不算班

耳鳴二絕

六十應當耳順時今逢又五耳難提昨宵蟻鬪聞牛鬪
錯怪誰家牧犢兒

偶臨樹下復溪邊總覺蝸鳴噫噫然借問旁人聞見否
方知是我耳中蟬

寄呈大司農沈雲椒先生 初二首

風望稜稜佩水蒼欣聞司會領文昌履聲曉步丹墀上
劍影宵衝紫極旁皓首自應憐北海瘦腰可是舊東陽
江湖廊廟音書潤聊復題詩慰渺茫

當年曾記倚蒹葭謬荷齊名玉樹誇武庫昔原推杜預

度支今復見張華已從天上司
喉舌肯見人才惜齒牙
若問童山近何事一竿漁艇老生涯

蒸梨二絕戲何體齋

肺病連朝頗短神秣陵佳種摘來新
憑君寄語征南道
蒸食哀梨竟有人

誰言參也會非愚曾為蒸梨便逐妻
明歲應求乞枝接
免教眉與案難齊

寄懷墨莊鳧塘兩弟二首并序

上次翰林大考墨莊由檢討改授中書
今次大考鳧塘復由春坊中允改授編修
因作二詩慰

之一寄墨莊一寄鳧塘

又見孤鴻向北征秋風忽動鵲鴿情
勸君休抱龍門恨
如我曾叨鳳閣榮紅藥翻時詩可咏
紫薇宿處夢俱清

長安漫說居非易蜀道連年正用兵
今年大考翰林題為征邪教疏

官是宮闈典棘闈去年門戶頗光輝
三魚定應占台象

六鷓緣何又退飛詩稿校成何日梓
宦囊蕭索幾時歸

老兄搔首無他望望汝持衡再賜緋
鳧塘乙卯典試山左旋獲晉階中允

和京中學士王春甫誌修寄示種竹見懷仍用前韻

聞道呼來不上船長安日卧酒爐邊此君本是君家物
憶我遙知我亦然月影萬夫嫌舊句曾中千畝喜新篇
將軍敢詡園林勝絲竹從來產自絲

附

階前種竹數竿頗堪銷夏遙想杭塘
老前輩竹林之勝因欠見贈元韻

翰林學士

王懿修春甫

新營瓦屋小如船種得琅玕碧檻邊疑是人來風乍
動明知借住日常然思君惜少涓川句贈我應多池
上篇珍重平安酒屢報邇來陰雨太連綿

困園雨多屋塌重修將竣示諸工

今年秋雨太滂沱棟折榱崩水沒禾不立巖墻從古少

坐於塗炭只今多鐻巧易覓王承福種樹難尋郭橐駝
笑謂梓人何乃速揚潛可是汝師麼

和門生溫承恭回粵見寄元韻

魯憶當年白虎通五經班固坐當中兩朝結局巡行使
四海虛名太史公侯宅已看瓜自種王門休倚瑟能工
回頭絳帳環聽日二十年來一夢同

附

受業溫承恭德慶

廿載迢迢信不通羚羊幾度望川中新聞顏駐赤松
子早遇書傳黃石公立雪盈門期我重凌雲當殿賦
誰工津梁山谷知先得一種春風竊喜同

題俞石村

廷舉

看劍引杯圖

并序

俞石村廣西全州人爲蜀營山令魯佐餉西征
與什邡令甯湘維善甯有書來言石村養痾在
省慕拙詩轉求題圖並言指定七言古歌務要
親書爲賦長句

甯侯朝來遣一奴示我看劍引杯圖言是石村小行樂
要我長歌親筆塗展卷鬚眉却不識面帶王郎酒酣色
未曾斫地歌莫哀白眼已望青天直右手持杯左看劍
前身作令應雷煥白棹錦水爲諸侯斗牛紫氣何曾散
悶來起舞如龍翔天地久亦爲低昂揮罷何以酬劍器

十分瀛滢傾金觴人言看劍須酒友我言看劍須詩叟
酒間試咏少陵詩不知誰作蛟龍吼我聞寶劍必有名
蜚景騰空無日精若遇兵戈卽飛赴千里之內難留行
方今妖氛四力煽流毒正須遣霄練盍解去禱請出匣
一掃煙塵化清晏胡爲含笑看吳鉤日從俟大白浮
得毋西征魯佐餉至今不忘從征遊嗚呼此意我知矣
凶邪未淨心中恥舉酒何曾貪麴生不平聊酌風胡子
詩亦何須古書亦何須工恨無長劍倚天句爲挽天河
歌大風

十月十二日接甯湘維二兄書言墜黔陽開州牧

將赴新任寄詩奉賀兼以志別

自我歸川十五年鄰邦名杜見盈千眼中儒吏惟君是
心上詩人讓子先漫說三秋同歲隔幾會一日缺吟篇
豈知又向黔陽去回首西湖總黯然
學本陽明更發明雖居仕路却書生借抄東壁全交吏
曾成西番亦善兵樂部難攜應諒老韻牌雖在與誰賡
瑩華東道曾相約從此遊山竟懶行

附

貴陽開州牧
前任加縣合寧

錡湖維
會稽

薄宦遊川十七年曾叨朱履列三千文翁政蹟
繼供奉才名讓獨先白帝虛傳魚復陣青燈欲泣約

韜篇西湖不盡流連處纔聽離絃便黯然

迂疎經術愧陽明坐見妖氛楚蜀生大吏久持勞運
幄小臣遠別敢論兵東山高卧徵應起北海詩成久
未賡却幸龍場訪前蹟還思會面策鞭行

嘉慶三年十一月二十日漢州門生黃友冰

士潘

戊午鄉試獲雋北赴春闈過綿話別友冰先受李
學使柔賞識因兵戈未靖恐有道梗之虞隨學使
回節之便依輔而行而學使尙未知也余方卧病
強起臨送自念耄矣回憶醒園兩載師友綢繆輒
不禁惘然也

童山詩集卷三十六
逢冬每苦病加增乍見吾門喜不勝能奪錦標真快士
敢言衣鉢有師承登龍已見三年化附驥欣看萬里騰
笑語友冰須努力官衙恐又一條冰

明經輩五其建昌餽豐谷燒酒臨去屢索酒籠詩

以戲之

吾雖不嗜酒頗喜談酒具生長本蜀人酒悉知其故白
雖名惠泉比較無錫誤黃者名紹興不產會稽處惟郵
縣稱良嘔則以筒响微嫌淡于水不能令人酌中江有
小麴巨釜滴小注祇可名督郵過多疾成痼就中熟綿
竹大麴清若露秦人之所釀西門名尤著實足稱醇

但少生辣趣獨有豐谷燒味如薑桂互一樽未及開衝
人數十步以視前諸酒直可奴僕嚀二酒俱籠盛編者
以類聚周身桐膏塗蓋口猪脬護大小分重輕酒家白
封固有酒卽有籠不另秤斤數瓶罄壘雖恥此籠終不
去以之裝百物避風永不蠹鞏子信可人未免微帶醋
爲求秦館扁代徒聊當賂不知中飽無輿亦其徒雇臨
行屢問籠兼索覆旣布

欲求素餐... 志遠... 人... 即... 未... 天... 開...

童山詩集卷三十七

綿州李調元甫村

巳未上

戊午除夕前三日接京中鳧塘弟書見和前韻寄

懷四首元旦試筆因再和答之

居廬不出為慈闈忍見桃符萬戶輝忽得遙函詩數首

懸知揮翰筆如飛已生英物夫何恨弟始未報君恩

豈便歸近日山衣兄着慣別無春夢到衣緋

羨君朝夕侍庭闈花萼樓前並有輝自必鵝鴿同急難

未應鴻雁各爭飛柳邊花裏雖分路雲散烟收好共歸

堪笑墨莊老居士欲求出守着深緋墨莊書來欲乞出守

青藜捧節出宸闈照得青齊滿路輝敢道 恩綸遲乃

得只愁迴旆速如飛人間玉燭方調後天上金蓮屢送

歸得意却嫌兼失意笏袍尚未復牙緋

去年阿竹赴秋闈也望柴門四壁輝其奈畫龍睛未點

難教刻鵠翮能飛今朝幸授衣傳訣他日應看戰勝歸

話到感恩無淚滴老來惟有血沾緋朝德小字阿竹

附和詩 張懷漑

侍君兼得侍庭闈舞罷斑衣滿室輝詩到雞林人織

句名題雁塔馬如飛南宮花萼聯枝茂東魯參苓滿

籠歸信是詞臣 天上使皇華驛路看衣緋

拜 命青宮入掖闈五花詔錫姓名輝人隨鷓鴣班

行舊身逐鸞鳳次第飛夜雨每同姜被卧早雲時傍

御衣歸霜蹄暫蹶原常事 聖主恩深又賜緋

不見紅旗報 禁闈漫空妖霧日無輝將軍橫槊風

前舞壯士彎弓塞上飛鐵騎漫驅青犢散鏡歌誰唱

白狼歸川東杜宇聲啼血一帶巴江水色緋時邪匪謂猴故

云

瑁璪當年試禮闈筆花無燄玉沉輝到家正及櫻桃

熟行路何禁柳絮飛白雪歌成人寡和黃金用盡我

旋歸平生亦有凌雲志願向君王一借緋

附原作

驥元

一白兄歸侍母闈舉頭頻望慶雲輝如何向日葵心
在不並冲霄雀翅飛五夜笙歌孤憤遣千秋風雅盛
名歸平生著作真函海勝似當年著紫緋

前賦皇華典魯闈滿門桃李共交輝官疑平步青雲
上身似超昇白日飛豈料龍樓方上選旋看麟閣又
來歸妖氛何日驅除盡欲著征袍當錦緋

除却賓興八月闈三年提學最光輝歲科考似牛陳
跡時習生如鳥數飛絳帳有人偏不遇卓錫無地

先歸回思粵海衡文日花映吾兄五色緋

聞道阿咸試蜀闈燈光宵結幾重輝定知魚貫龍先
化不信雞羣鶴未飛兄况六旬鬚髮老弟常千里夢
魂歸但效樂事家庭聚衣鉢相傳勝賜緋

墨莊和前韻見寄再答

半生足跡遍南征只爲哀憐故友情畢竟指囷求魯肅
何如稽古學桓榮古今音義書方纂前後詩文卷可清
大抵詞壇如對敵遣詞須各鬪心兵

附

鼎元

家書到後鴈南征辜負鴿原萬種情池占鳳凰原不

惡伍儕絳灌竟何榮人經閱歷心常淡詩遇窮愁句
益清幾度欲歸歸不得巴江猶有未銷兵

墨莊來詩有巴江猶有未銷兵句再疊前韻二首

答之

粟米征同力役征連年騷動見民情請纓定抱羈縻志
題杜寧忘駟馬榮家有孟光能守澹官如王洽本居清
丁寧莫作思歸計蜀棧秦關半是兵

投鉞元戎盡出征虛糜何以慰皇情米船徒見催陶
侃羽扇空聞走顧榮屢歲軍興民力盡何時烽靜逆氛
清無人寄語諸邊將聖主神明莫玩兵

學士王春甫再用前韻寄懷疊至四首亦如數
之

憶昔曾同郭泰船兩仙齊汎海洋邊偕行頗覺油油爾
往夢俄成栩栩然懷友時彈招隱操辭醫日讀攝生篇
邇來身老君知否未及交秋已蠹絲

乍讀來詩似敵船兵戈滿眼欲防邊細看學士戲言耳

要使將軍貝輾然來詩有射虎爭傳飛將畧海東將老

眼尙能書細字病軀偏喜作長篇若將膽氣論諸帥十

倍雄心力較絲

羨君仕宦順風船又見賢郎傍日邊兩世蘭臺班固似

連年桃李狄公然惜逢駐駕金山驛恰值招吟玉樹篇

時赴吾婿 三溪詩社交臂至今長自悔文旌何日再過縣

小榭聽歌好放船名園傍水多栽竹小榭聽歌好放船前典試侍讀曲阜顏崇鴻留贈句也

共夸栽竹滿池邊詞吟烟景爽佳矣句括風梢尚缺然

三字揮成龍滿紙十行序罷鳥成篇却觀不是羲之腕

佛手斃羅別有餘前許書竹園何須問三六字扁今始寄到

附用前韻寄懷李雨村觀察四首并序

王懿修 春甫

記竹林之雅集曾附濬冲仰天上之謫仙羣推李白

填來雁使得捧魚箋知聯語早奉記曹而扁額尚遲

台命更荷遠投珠玉正如親接芝蘭惠以好音欣同

良覲伏惟老前輩大兄大人英辭絢爛壯氣騰騫以

西蜀之淵雲為南宮之冠冕翰林風月吏部文章秘

府抽思固早播詞頭之譽公庭論事寧徒署紙尾之

名曾擁節於皇華旋開堂於綠野捫參歷井流水行

雲峻望岷峨豪情湖海編玉溪之華萼記德裕之平

泉鄴架圖書細叅亥豕應門賓客劇會雲龍崇大雅

以扶輪遍傳詩話聽康衢之擊壤亦寓文心庭自傳

經門多問字固行樂其多方抑賦閑之獨異侍弟僑

寓修門條臻老境自慚蒲柳敢比松筠謹賡綿韻六

章漫作窠書一幅相思千里寓投報之深情久別十年思唱酬於往事溯潞亭之秋水許附仙舟對蜀郡之花箋長思彩筆肅申積悃恭請遙安

海東將帥駕樓船俄見歸帆錦水邊隻鶴相隨行樂耳真鴻高舉信翩然新春忽枉停雲賦舊雨長吟使粵篇嘆我閒居排歲序敝裘初脫又裝絲

敏捷君詩下水船乘風遙寄鳳池邊早看鬢雪偏忘老偶覺心灰正復然射虎爭傳飛將畧騎鯨誰續詒仙篇蒼生霖雨知相特定有安車向左繚

去任真如不繫船蒼茫人海五雲邊聞君勇退真先

見愧我歸心欠浩然投轄曾開官閣宜先生觀不

嶺云有分題猶記錦囊篇別時愁折金臺柳十度峯

春正作絲天賦

綠水青風赤馬船夢中長到竹林邊三竿作賦詞偏好千戶封侯事或然畫倩文同宜潑墨詩傳衛武白名篇扁成丈六書三字慙愧懸針與裏絲

初九日繇州廣文周本齋觀海見訪時方丁艱以

長壽被寇無家僑寓金山驛為涪江山長因至南村覓同年木齋五弟求濟不值適是日小孫彌月

留宴詩以慰之

重刊詩集卷三十一
有客驚傳至我村，踈髯道貌立當門。自言家破無歸處，尚喜身貧有友存。弟正遊春誰倒屣，孫方彌月特留飧。雨村詩話聊相餉，莫謂饑來不可吞。

觀高躡燈歌 并序

高躡卽古鷺戲也。見列子名曰雙屐，蓋自戰國已宥之。亦名長趨，宋武陵舊事元夕舞隊有踏趨卽此。多於元日，故謂之燈。向余備員吏部齋宿，天壇遇大禮宣赦時，捨金鷄者用此等人。上竿打觔斗，自歸田來久不見矣。神泉舊縣有黃州人屠姓，能爲此伎。是月十四日至南村觀。

者如堵因作長歌

正月十四坊市開，神泉高躡南村來。鑼鼓一聲廟門出，觀者如堵聲如雷。雙枝續足履平地，楚黃州人擅其技。般演亦與俳優同名，雖爲燈白日至。其一老如姜太公，手持釣竿磻溪同。其一少如西施女，採蓮端坐蓮船中。其餘髣髴臺閣架塗墨，施朱可怕金鑿銀。鐙澗步來恍若天上諸神下，就中仙洞飛白猿。儼如王母雲旗翻，幘倫方朔藏何處。返使此輩鑽桃園，須臾舞罷倚簷歇。儼如長股國人立，不知何處獅子來。鉦聲又引羣兒集，我聞此伎名鷺戲。列子元君有其事後，宋元夕舞隊陳

每逢大禮伎必備却憶當年侍
太皇 天壇扈從回
朝堂禮成宣赦金鷄捨常見此伎爭如狂至今跽伏蓬
門下臣罪如山未全赦 太皇九十臣七十犬馬報主
行看罷今觀此伎淚如泉難忘元宵侍 御前月明遙
望雲堆處惟祝 皇恩萬萬年

元宵州佐蔣公蓮洲枉顧紅梅書屋並出沈大司
農書暢談竟日時書屋遇偷兒室加懸磬故詩中
及之

銀花火樹又將開難得高軒出郭來滅騎幾於將滅日
除葦幸尚未除醅是日若齋惟酒不戒令公詩到香盈坐兒輩仿

親跪捧蠱憂在蕭牆君見否荏苒又見起蒿萊
歷數吾州五馬侯知交誰似蔣蓮洲長才偏授髯鬚職
念老常陳肺腑謀顏闔鑿坏何處遁陳蕃懸榻竟誰收
床頭尚有青氈在可爲王家一暫留

大司農沈雲椒先生初自京寄書和前韻二首見
懷復再答之

故友凋零半老蒼惟君福德大而昌正當節應東方津
忽見詩來北斗傍語帶清剛如夏日氣含溫暖似春陽
詞壇忽憶回詞館共道長篇接混茫

旌旗振木復揚葭天上將軍衆口誇侍御有人思許遠

郡王無地起唐華謂福郡王愁來大白浮犀角杯恨切藤黃

點蚱牙時余方患蛀齒本草言藤黃點之神效驗之良然蚱音仲不為國恩逃不得

五湖烟月是生涯

附

戶部尚書沈初平湖

書到知君鬢未蒼天公特俾壽而昌暢吟山水烟霞

外泥醉鶯花鼓拍旁數典殘叢邁千寶耀人車馬羨

王陽無端引我江湖興橋岸楓林接杳茫

遠人白露與香度高韻孤情豈浪誇石室千秋添姓

氏木天一瞬揖清華屋梁落月疑顏色詩律冰霜澣

齒牙老境自娛差得計好將心事托雲涯

山茶花有紅瓣日痕白瓣紅痕俗呼抓破臉以其

名不雅為易名指印茶紀詩二首

山茶不與牡丹同亦有楊妃一捻紅豈是馬嵬魂到蜀

杜鵑一樣泣春風紅指印

茶花原是雪霜枝淡抹濃粧亦自奇莫是粉施嫌太白

故隨時好染胭脂日指印

贈喜春二絕句即用其咏山茶原韻并序

喜春玉溪之僕也名蔡長菁商城人隨父侍張

雲谷至蜀年十二時伴玉溪讀少微癡余見其

誤以礪而溫水潑山茶曾有從此花書添種訣

日將滾水灌山茶句今年正月二十三日喜春
復隨玉溪至余曰此非滾水灌山茶人乎玉溪
曰然今頗讀書能詩且敏非復舊日阿蒙矣盍
試之因指山茶命吟限紅字應聲云山茶照得
滿軒紅爛熳爭開小苑中莫笑當年澆滾水湯
花入怕灌花翁頗有作意余僕恩濤姓劉能背
誦袁子才詩者聞而微笑亦令嘲之復云小友
恩濤我輩人浩然堂上一君臣口吟袁句身隨
李勝似西園一喜春西園雲谷園名浩然余家
堂名也因用其韻作二絕句贈之亦使玉溪之

僕得傳名於余詩集中也

山茶鋪白復鋪紅人在天生錦繡中映得席間誰醉色

下詩翁更僕詩翁

仍是花澆滾水人偏如蜂蟻識君臣浩然一句堪垂古
喚醒綱常萬萬春

因園玉蘭盛開邀張玉溪懷滄計明經天禧門生

劉六廉全祿顏東坪明典冉曉山玉嘉作詩會並

試玉蘭餅得蘭字

玉樹何來亦號蘭崑山片片綴枝端當風鼻怪幽香透
帶露心耽秀色餐飛白滿園疑蝶舞雌黃滴蕊認蜂攢

園園本是騷人住漫作瓊花觀裏看

己未正月二十八日得鳧塘信聞已于去年臘月
二十三日派入 上書房除夕賞賜貂皮等節物
甚多不勝狂喜遙寄詩二首賀之

書來天上合家歡招得親朋共啓看前步承華雖降秩
今登博望勝遷官徐摛文字原宮體江總才華要鎮安
莫道盤中惟苜蓿正逢初日照團團

從此青宮響玉珂辛勤較甚直鑾坡駕陪紫谷人間少
頌 賜黃馮內府多晨謁金泚參輔導夜隨銀燦共吟
哦孤身漸近芝蘭染槐柳何人尚見和

題鍾馗撚箭圖 并序

畫鍾馗多按劍而此獨撚箭豈劍止近以保身
而箭可遠以射賊乎率題三十字

劍學萬人敵箭操百步技鍾馗本書生何乃兼武事堪
笑生將軍不如死進士

禮汀見訪因園值余外出翌日始歸奉賦二律

禮公久不見一旦惠然來因爾衝風至看予冒雨回畫
成蘭一室詩就酒千杯忘却春衣薄通宵亦侍陪
園裏少佳客相招每爽期誰知命駕日又值出門時鸛
鵲驚禪錫蛟龍舞硯池可能留十日上已共追隨

立山詩集 卷三十一
周青門 佩蘭 有書以詩代答

昨朝吳道子帶得一函來聞道瘦於菊精神健似梅餘
生留虎口宦興寄鱸顯問訊青門老何時項始賄

寒食示兒

寒食平生未有詩今年特示小兒知
麥饊温食出周舉
麥粥寒吞爲子推
耄柳孺槐飛燕日
卧紅堆碧泣鵲時
禁烟泉下先人曉
急挂冥錢母復遲

樂閒堂 并序

山林之樂實有不可與俗人言者唐人詩曰相
逢盡道休官去林下何曾見一人蓋歎世人沉

酬于名利中而莫之知也夫政務之擾孰與琴
書之娛冠裳之拘孰與野服之適午門待漏寒
威逼孰與睡覺東窻日已紅况夫炙熱易噴冰
山難靠陸潘名士尚趨謁于士開劉柳大家且
失身于文叔一朝瓦解萬事灰飛不但巢卵不
完抑且身名貽臭此余所以甘居林下而不悔
者職是故也陳眉公云未老得閒方爲閒予自
五十歸來可謂未老矣不料其閒而天偏賜之
以閒今且六十六矣雖閒居十六年鬚鬢尚黧
豈不可樂乎因築樂閒堂三楹終日徜徉其間

其樂也蓋亦庶幾乎不知老之將至云爾堂成
適閱邸報有感首相和公及二吳二李事因作
詩以記時嘉慶四年正月十八日也
十六年前已見幾非因不用歎知希材同樗櫟宜時棄
志戀山林合早歸萬卷書多踰寶閣三間花繞勝珠圍
君看昔日冰山靠見現如今似雪飛

寄題墨莊登岱圖

并序

弟來書云此圖乙卯年夏五月往山東時爲黃
司馬小松名易所畫過江得袁簡齋爲首唱現
在名人題者已四十餘家吾兄有興可遙題一

首見寄遂作八句寄之

昔年曾共上我眉馭氣排空讓爾奇今日又聞登岱岳
陰昏陽曉獨君知烟入齊州青未了收入尺圖天下小
崔顥題詩在上頭只恐鳳樓亦推倒

嘉慶四年正月初四日

今上歸政

恩綸疊

沛天下歡呼元惡首除各匪自散微臣伏處草茅
不勝踴躍懼忭恭紀二首

莫道元姦竟不聞 深宮燭照早如神三年恭已爲

天子一日歸權見

聖人成括豈知聞大道孫恩

回首卽良民普天額手同聲祝共祝新

皇萬萬春

不須富貴與天齊象齒焚身得免誰使我雉翔非早見
與他鶴唳悔同遲二三月後方開眼十六年來未展眉
寄與陸潘名下士南臺早料有斯時

恭擬

高宗純皇帝挽詩四首

享國稽千古

皇朝邁百王齡同

祖

孫錫祚共

地天長

德咏周文穆

功唾漢武疆自聞哀

詔下

四海盡悲傷

御編詩五萬

欽定禮三千永樂一書纂

乾隆四庫

全

巡方遵海岸郵旱截漕船此日東南士猶思獻賦

年

用武真神武名征不盡征南交萬里服西域九邊平臺
海風寧浪金川雨洗兵百蠻圖職貢驚見像猙獰
乾綱惟獨斷黜陟總由宸只有公忠相原無竊柄臣卽
看垂死老猶荷再生身痛哭騎龍日拔髻少一人

挽大司農沈雲椒同年二首

纔見詩遙寄何虞赴並傳文章公獨坐喉舌孰三宣野
鷺書嘗學余嘗臨君書雕蟲愧讓先君曾以詩集屬選至今數謙德

直欲壓

朝賢

東閣羣推沈南臺臯止和豈因樞密奪遂賦薤蒿歌交
憶平湖訂談思潞水過 聖恩隆郵典謚法定如何開

童山詩集 卷三十七
賜謚尚
未得聞

續夢遊飛泉詩 并序

夢遊廢園觀飛泉作長句甚得意醒來僅記首
四句因足成之時嘉慶四年六月十九日也
常怪人工善作偽能滿泉自花間至却疑天公亦設機
能激泉從樹上飛不知誰家舊金谷荒亭廢沼都零落
僭制羣指凌雲臺賜第猶書多寶閣瓊島瑤池彼一時
殘山剩水盡陵夷明珠來自驪龍睡黃壤空聞玉馬嘶
此泉處處沾天雨 恩深何異神仙府昔年金屋萬山
金今日土房幾堆土正好遨遊苦枵腹適逢姪女炊方

熟忽聞爭錢驚夢醒乃是鄰嫂爲難祝

築墻行

墻壞何不築恐奪農時忙墻紆何不端恐侵他人疆每
懷箕季語居官誠宜詳我今身已退兩事應可忘不意
今年夏連旬舞商羊前墻圯未補後墻復麗殃每逢一
口雨倒墻三丈長倘復雨十日萬丈未可量墻壞不足
惜所惜九毀傷竊恐萬人陶不足供所償况復多荏苒
新春已失防朝來覓巧者依式修我墻祇各守經界幸
未屆稱黃不知何僭父假稱欠彼糧與墻風馬牛亦學
當車輟試問乃同族解贈曾傾囊箕季如處此當復用

何方賊首王三槐誰言皆醇良賊首王三槐達州人與羅其清其書等倡言官

通民反作亂官兵征勦三年始就擒解京嘉慶四年二月十五日俱磔于市

愛閒亭敬和 先君原韻并序

愛閒亭者在今彰明縣塔水場古神泉廢縣東昔寓公周書客之故居也書客諱儀萬江西金谿人與先君石亭公至交調每以父執事之乾隆戊寅年先君自浙以艱歸里一日書客折簡召先君及調飲於亭中先君曾有詩云周家亭子曉烟浮隔夜呼兒作伴遊塔水雲開松樹頂官山月挂柳梢頭三間瓦廡堪維馬

十里湔江看浴鷗薄暮倒歸君莫怪劉伶本是醉鄉侯未幾周歸江右以亭售於先君先君起服為北路同知旋以王事沒於保定調於乙巳由通永道罷歸仍遊其地不勝今昔之感因於嘉慶元年四月重加修葺復建亭於上仍名愛閒者思先君亦思書客也因追和先君原韻並記始末云

早知富貴若雲浮悔向天涯浪出遊昔日老人詩在口幾年童子雪盈頭出山有意慙梁雉入世無心弄海鷗解得愛閒惟李泌只將鄴架博封侯

巳未重陽二首

蓼謝荷殘久未來
困園今始破蒼苔
菊花也解高聲價
偏到重陽不肯開
半天亭子截雲霞
四面峰嵐樹不遮
忽見草中開紫菊
不知錯認野棉花

重陽後一日登半天亭

一枝藤杖躡雲根
前有兒扶後有孫
昨日萸囊都不帶
今朝菊酒尚盈尊
雲開屋後山如畫
雨落巖前水似奔
道我童心君不信
看余老尚學埋盆
今年雨水較多自後一月初晴

聞舍弟墨壯鼎元由內閣中書奉命充册封琉

球副使聞之大喜因作詩二首寄京遙賀

怪君如鳥集王廷年不飛來歲不鳴豈料日光臨紫

省忽傳天使過滄瀛槎移牛渚河應動航載龍章

浪不驚記取前程須努力此行直繼海山旌吾蜀奉使

隆丙子海山先生周文榮公煌後今四十二年吾弟復膺是命

聞道中山海外懸南風三百底山邊百年豪氣銷磨半

弟今年已五十一一品恩榮服色全向册封天使賜一品麟服姑米颺高

神共護扶桑露灑詔初宣琉球刀好君須寄雙鑠兄猶

喜弄鋌

再和 墨莊弟八月十九日奉 命充册封琉球

副使恭紀元韻二首

罷命傳來八月秋柴門驚起滿江鷗衰年兄忽喜如雀

早歲君原氣食牛鳩舌應詢蘇軾集東坡送子由使契丹詩時時鳩舌問

三蘇註能背龍潭爭看李膺舟正使為安徽太湖趙介山文楮丙辰狀元向例

中山宴天使有七宴別腸此去車輪轉一日思君一萬

周

三甲傳臚第一人弟登戊戌三甲第一紅梨臣改紫薇臣境當窮

處無非鬼運到來時若有神同上峩巖慙後步獨經滄

海亦前因遙知使畢歸朝日萬國來同拱北辰

附 原作

內閣中書 賜正一品 墨莊 麟服前翰林院檢討鼎元

官海浮沉又幾秋生涯頗類海東鷗忽聞炎繳求封

使已見星槎入女牛 帝德如天無異域臣心似水

可同舟外藩共順中山最 罷命何欣得繼周乾隆

有一年册封琉球副使為同鄉周海山先生鼎今繼之亦異數也

四署班齊十四人封使例以內閣翰林都察院禮部

人天顏齊處盡儒臣望洋敢信蠡能測涉險全憑節

有神一品虛名將號集封使例賜正一品麟服廿年

舊夢肯迷因甲辰九月以假遊泊舟溫州城下夜夢

有雲蒼淡螺深之句昨閱瓊球志畧同行况直星為

福正使為趙介山修撰諺有海不揚波際此辰


聞四弟編修與元赴大慟率男朝礎設位北向祭之哭詩二首

家信聯翩喜浹旬無端赴到變酸辛死如可代吾何惜生與誰朋汝最親東坡詩我年二十無朋好學顏回偏短命嘔詩李賀竟捐身臨風哭罷還嗚咽三李如今少一人

兒子何曾似景升總因失學誤飛騰蒙君暗把金針度令我編成玉佩膺豈意一朝隔黃壤頓教半載枉青燈傷心最是吾朝礎哭倒靈前喚不應

僧鞋菊一名僧帽

一叢露烏喙兩翼駕雙鸞紫匪人工奪藍同天色觀認鞋難踏雪作帽怕衝寒重九黃華少聊將當菊看



童山詩集卷二十八

綿州李調元雨村

已未下

弄譜百詠并序

淫巧警於泰誓奇技戒於禮經百家方術之流
 不足伐小人之技以憑君子也審矣然而成王
 卽政婁扶亦貢易形周穆巡行偃師能教聯目
 怨東吳而三年大旱指南車而一旦卽成縈帶
 守而飛梯無聲輪扇連而滿堂寒色棘猴太巧
 木鵲偏工運斤而墜鼻不傷踏床而爪牙俱動

磨車十斛運劍一回斯誠技通天地藝絕古今
 矣若夫尸羅之浮屠十屠季龍之安息王案蓂
 宏能致神異武帝亦有辟邪畫地成川激水集
 雨植瓜種粟御虎屠龍術既失傳技尤荒誕至
 于反正作排闥之樂破敵領訝鼓之軍事出偶
 然原非率爾開嘗擔簦大邑蠟屐名山杜司徒
 小駟入市飽看盤鈴張平子載筆西京備陳漫
 日未謂人情逐年趨變世事閱日翻新居然窮
 寇當追乃彼去而反送既云邪匪宜滅何我竟
 而轉逃假軍壘以營財視干戈同玩戲因成弄

譜各綴寓詞聊為其寇耽愁庶免玩兵貽悔云爾

俳優班與武文同竿木隨身色色工莫把棘門當兒戲
 太平天子坐雲中 俳優

公然搖擺著衫巾今日登場色色新泥塑木雖嗤爾輩
 一生全靠捉刀人 傀儡戲

立板淨紗布障懸提人全在一絲牽如何走肉行尸者
 縱有人提不肯前 提戲

翻覆全憑兩手分無端鉦息又鉦聞分明奪地爭城戰
 大勝連年坐食軍 影燈戲

著緋掉戲太婆嫗前世曾居供俵官假面靦然還白著
 童山詩集 卷三十八

不知原是沐猴冠

猴戲

擊鼓其鏜曲未終街頭人去忽匆匆世間多少無窮事
盡在肩頭一擔中

被單戲

金鼓齊鳴頃刻間誰知伎止一青鬟投閒幸未此身老
愁聽人謔十不閒

十不閒

吳姬越女淡娥眉舞棒如花最解頤慢撥輕撩俱不落
愛人尤在夾刀時

三棒鼓

揚州明月二分時處處能歌絳樹詞萬狀千聲聽不盡
揚州只數郭猫兒

像聲兒說鈴

叮錚竹板響悠悠揚巴舞渝歌共激昂聞道遼金繁盛日

六街風靜聽連廂

連廂

鼓環八面五銖錢手板何如指剔圓一曲陽春

和得

聲聲只唱太平年

芭蕉鼓

銀字鐵騎雄辨社四家金鼓競爭雄要知今

亡恨

只在三聲醒木中

評話

魯向錢塘聽琵琶陶真一曲日初斜白頭瞽

臨安住

猶解逢人唱趙家

聞書調一名陶真

翠色裙兒杏色裳雙鬟阿儼紅粧筵前一曲秋波轉

無數纏頭枉斷腸

檣曲

村村擊鼓並鳴鑼王道先觀鄉飲多要問太平真氣象

豐年到處聽秧歌

秧歌

舞罷霓裳樂未央六朝烟月又荒涼金陵王氣今何在

花鼓徒聞說鳳陽

打花鼓

爆竹聲喧管動灰六街兒輩踏歌回手如雨點知年近

錯認巫師逐疫來

太平鼓

高臺仙子出凡塵翠袖飄飄孌娜身誰謂嬌兒高不仆

雖嬌中有鐵撐人

臺閣卽戴竿舞

教得琵琶指乍調御前供奉首唐朝總因樂世人心樂

水調家家唱六么

六么一作錄要

假面居然看似真三軍刺擊勇無倫張良女貌東坡笑

不謂蘭陵亦婦人

假面

撥頭納首冒熊皮白虎蒼龍舞瑟箎無怪漢皇求曼衍

仲尼貌取亦蒙其

卽假獸頭

眼鍍真金齒帖銀毛衣奮迅舞獅馴來賓不納西涼伎

始信天朝有聖人

舞獅子

元宵鈺鼓響如雷爭看鰲山動地來大雀踐踐龍蜿蜿

不知破費幾家財

鰲山

鐵馬團團遊又遊短兵相接又相投摠因一點心頭火

追逐刀兵夜不收

走馬燈

絹爲鱗鬣燭爲胎蜿蜿蠃蠃去復回一片金鳴如地沸

果然甘雨共龍來龍燈即曼衍魚龍之伎

昔為燎竹今為緇驚得羣兒笑且號州燠聲中神鬼遁

山村何處有山臊爆仗

人靈從古奪天靈走線飛輪變晦冥坐令陰晴同一色

元宵夜夜看流星烟火

競渡船頭列畫旗揚帆擊鼓水中馳屈原讒死何能救

總是乘舟好水嬉擲龍船

除夕能除癘疫無敲鑼擊鼓共喧呼邇來魑魅寒林少

又向人家打夜狐打清醮

梯上都盧古所難巴渝險伎等檀觀讓君儘似猿升木

自笑鮎魚懶上竿都盧戲即緣竿伎

架楸長繩繫兩頭鑼聲催動女嬌柔翻然欲墜偏無事

多少旁人替爾愁繩軟索即繩伎

截馬如飛勢莫當紅裙過處土生香金蓮穩立銀鞍上

惜玉登徒枉斷腸跑解馬一名走避

婉珠尤愛卓竿竒覆雨翻雲任爾為惟有舞盤真妙伎

傾欹終不是傾欹耍盤一名杯盤舞

一鑼一鉢伎非難妙手搏來似轉丸我有金聲高瓦釜

煩君擲地試聽看耍鑼一名鑼瓶伎

元夕清明透索類白光輪裏挽千鈞怪來兒輩俱爭跳

世事全輸有力人 跳白索即拔河戲

驚戲多從大禮陳雙枝續脛走如神莫嗔此輩頻邀賞

先得從來捷足人 高趨即驚戲

就裏機關費揣摩雲機社裏漫譏呵區區小技還能揜

始悟生平被罔多 手擲法

筋斗教成伎絕竒灌宮武帝帳前施憑君莫說天津事

辜負深恩是小兒 打筋斗

弄過三刀又四刀踰鋒投狹似猿猴世間只有過刀險

比似人心險更高 翻刀古燕濯戲

脆喉豈可任刀傷一見吞刀謂必亡漫詫華陀能洗胃

賤人公子早無腸 吞刀

莫道咸康伎必爭蹈天履地豈生成逆施原是途窮像

請禁婆羅舞倒行 倒行一名擲倒伎

橫隨身動伎偏竒每墮還將一木支巧捷便還終讓爾

不知身可定安危 蟠槓即木槓戲

蹴踘團團妙轉丸縱橫騰踏任人看世間樂事知多少

底事乘危博暫歡 蹴踘

毬場新掃馬聯翩唐宋當年樂事全新法若能贏告罷

頭籌絕勝得西川 擊毬

綠雲成隊鬪秋千上板飄飄似鳥鶩墮地寶釵人既散

童山詩集 卷三十八
六
綵繩空挂綠揚烟 鞞

可是蟠桃會上來自猿偷摘洞門開反腰向席非貪飲
啣得金卮當壽杯 反銜卽拗腰伎

拗腰帖地今猶見舉足朝天古所無不用手扳自加頸
問今誰個是陔奴 扳脚卽加頸伎

貴賤雖分理不差千金之子亦非夸勸君須保髮膚體
莫把微軀受釘叉 釘叉卽弄槍伎

玉勒回時赤汗飛張弓射彈莫夸稀一丸如可雄關塞
三箭天山奏凱歸 射地毬卽飛彈伎

漢武開邊啓外患未央前殿動龍顏雞蟲得失何時了

蝸角空爭兩觸蠻 角觸

聞道散錢須索串只防貫朽欲穿疑自能剖斷仍能續

安得身如變線兒 接線卽變線兒

礪吻振毛首乍低廣場序立到初齊大雞昂然小雞聳

不但西江兩相雞 鬪雞

探喉交撲總無愁錢滿還須以肉投莫道人言無足信

市中果有虎來遊 虎戲

馬牛支解尚符咒瓮裏何曾着得軀賣藥不知人在未

長房竟入小葫蘆 支解伎

動雷起霧亦何元幻術出來自古傳笑彼胸中無點墨

也能吐出許雲烟吐霧吸烟而成事見拾遺記

年年火判鐵門塑七竅合烟石火熏任爾膏明煎到曉

薰香終見自燒焚火判元旦且京師鐵門泥塑判官用石炭燒之則七竅出火

象似渾天走不休輓燈法子至今留老來却喜人為煖

閑却薰香舊被毬輓燈即古香毬

相見持拳兩不言撲交一輓已推翻邇來筋力衰頹甚

難向深山禮白猿撲交

趨捷偏能旁壁行躍身上屋瓦無聲此人莫作尋常看

恐是荏苒最有名打拳

搏土為丸理則那變為側木巧如何邇來久沐康衢化

八戶還聞擊壤歌陽弄

旗分紅黑陣成圖鶴鷺魚麗勢不殊收入葫蘆兵已息

將軍不用再追呼蟻戲一名教蟻戲

官私漫向爾相嘲無理祇聞鬧且饒攻木撞鐘俱不似

謀兒直欲倩蛙教蛙戲

善惡皆非竟孰從世間處處有機鋒人而可以不如鳥

鳥解先幾辨吉凶雀牌

疊作浮屠巧絕倫靈龜本與卦通神漸登漸進俱循序

羞煞吾儒躐等人龜塔

鼠市曾聞數術岳鼠人今復出徽州一生受害俱君輩

莫怪將軍認作讎鼠戲

合裏歌喉能中節筒中陣脚巧銜枚棘樊尚苦營營衆

更請君來獵一回蠅虎戲

隨意攤錢不串穿四文一撥數釐然嶺南記得文闈撤

醉看門生撥意錢意錢一名攤錢

分明射覆理難諳只判陰陽北與南誰是旋乾轉坤手

此中奇耦定能參麻雀寶即撚錢也

作孽當身豈但殲羿妻尚未月奔蟾不分鯉鯉終成恨

悔拆當年比目鱗紙魚伎

伐鼓淵淵射柳林斷青削白馬駸駸勸君沒石須加羽

無羽何能賊就擒射柳

獨醒偏于酒興賒醒箇邀客醉山花從來酒令如軍令

盟主登壇慎勿譁觥律

色分平仄兩盤皆象骨雕成是韻牌萬卷樓頭長有客

酒闌燭灺便安排韻牌

檀板笙簫技各呈雖無其事狀分明何人解聽無聲樂

此是先天太古聲無聲樂如笙簫鼓板各執一器環立相視無其事而有其形先笑者罰

筵上花枝照燦紅隨拈蓮子鬪雌雄真空兩子君休詫

看破乾坤總是空藏闈即倩拳

婚娶冬來盡酒筵每逢雜踏便踰垣醉歸已是更三鼓

尚有鄰家搨陣喧謠等

老年萬事不能狂筋骨逢秋軟欲僵今日始知年少好

爭於月下捉迷藏捉迷藏

渾沌生人自不知一經穿鑿性全漓泥孩不是人工巧

造化原來只小兒泥孩兒

宋朝之美鮫之佞形體供人已絕倫鼻吹口歌今出世

脅肩誦笑是高人鼻吹

屢舞傲傲向席前翩翩欲倒尚盤旋勸人飲却無唇飲

猶自稱名喚酒仙扳不倒一名勸酒胡

戲名拋足讓京師五體皆能代足為風俗帝京謠尚記

鞦兒飛處柳兒垂

鞦韆子

紙鳶剪就夾弓絃喚作風箏響徹天每遇清明風暖日

無邊鴉陣半空懸

風箏

錐卓千千五寸長亟繩打得溜光光忽然平地聞牛盞

知是兒童掣響簧

響簧

通脫肌膚綾絹身沙聲撒撒汗兜頰但知土偶為人弄

造物團沙早弄人

沙戲兒

手談休詫河圖數博奕猶賢論語書喜弄堯兒猶不肖

世人何苦學丹朱

圖棊

車馬紛紛各動兵居然兩國隔河爭棘門灞上皆兒戲

試看誰為細柳營象戲

枉矢哨壺禮所傳只今空作伎家專百梟百中終無益

栢棘何如楊葉笏投壺

海沙布局探空枰暗裡摩娑巧自呈勝負從來吾不校

何須黑白太分明通棋即官棋

中央高聳四周低此伎由來自漢時堪笑曹瞞好兒子

偷來天下當彈棊彈棊

夾馬雖非古法遺仍然尉衛四圍棋兒童小戲却非妄

理貫文千十二時夾馬棋即古四圍棊

每逢格五即逾溝遲速誰爭第一籌休道楚戎為末技

先登賊壘是良謀格五即五馬棊一名蹙戎戲

小戲由來出牧童形如又字四邊通早知有井難踰越

子莫輸他穩執中穩當棋

博齒觚稜二十一與今投子大相非就中四子偏傲倖

一擲君王使賜緋投子

楞蒲雖異篋皆同五子皆雕彩色工一喝成盧齊喝采

終推劉裕是英雄五木亦

糊猕布袋古挪掄各認鴛班謹步趨連得美名皆不振

一生正似選官圖選官圖

何曾丹承啟金函各欲乘鸞逐呂巖睹到蓬萊先撫掌

不知樵採未離凡 選山圖

契丹雙陸紫檀盤握槩長行總近彈各把沉香來鬪壘

撩零空展畫圖觀 雙陸

賞罰嚴明非等閒易安詞好不須刪何方望道飛龍苑

運厄難過函谷關 打馬戲

豬窩撰本自朱河採得除紅變法多堪笑廉夫老詩伯

無聊作譜自消磨 除紅譜印骨牌

格葉由來始自遼崑山看虎盛前朝宮中尙與羣臣戲

何怪人間遍喝臬 鬥虎

葉子初傳葉茂蓮龍猶始著十三篇不知鬪獻識何是

弔馬方傳燕子箋

馬牌

一作馬弔脚有譜

童山詩集卷三十九

綿州李調元雨村

庚申

吳壽庭觀察應先芝圃廉使招飲出所藏赤壁圖
杯勸酌卽用東坡前後賦字集成七律詩四首致
謝錄以見示因仍集賦字兼和原韻寄呈

何人舉世羨風流蘇子携樽赤壁遊詩禁昔雖危一瞬

賦名今已踞千秋洞簫道士喜能吹東坡赤壁之遊在元豐五年壬戌集

中有賦無詩爲甫遭烏臺故也吹洞簫爲綿竹道士楊世昌見坡詩飲酒婦人安可謀佛

漁婆皆傳地主興高方洗盞堂中盡似泛虛舟

此杯且問甚時藏。劃出遊人有幾長。自歎餘生落江海。
焉知衆口誦蘇黃。坐中龍虎皆能嘯。世上蜉蝣不見光。
我笑人生如睡夢。更無羽客枕留方。

是歲人來正月時。驚觀仙侶賦成詩。響如嫋嫋餘音絕。

高似飄飄獨立危。來詩如七盤山月霜。阜自萬里江波。露華黃蓋上清光。將待月巖間脫葉。

也鳴風調。極高響。鵲影飛來中夜見。鶴聲鳴處上天知。自悲而

視茫茫。目襟似蒙葦。未可披。

歌出江東舉目空。一時人物水聲中。坡公有赤壁懷古詞。名念奴嬌。起句。

云大江。氣去浪淘盡千古風流人物。亦此時作也。坂間止有堂名雪山。卜惟餘

壑起風。孟德終爲千古笑。周郎固是萬夫雄。而今月

安如石。浩浩長江望不窮。

和溫莊亭人日雪與玉溪同遊少陵草堂二首

草堂若箇敢留詩。獨有溫生發妙思。是日竟無餘子在。
連朝未有不陰時。何須絲燕爭爲勝。仍見栖鴉凍折枝。
不是老人肩戶坐。天寒地冷出無期。

年來出處總茫茫。忍見同門又異方。天性常憎原壤俟。
人言偏愛接輿狂。問誰知禮會來室。可與談詩又返鄉。
此後獨居何所憶。羚羊峽口暮天長。

和玉溪人日同溫莊亭遊草堂原韻二首

怪君久未款吾堂。只爲尋師訪友忙。此老風流真我輩。

謂其師吳壽庭故交氣味况他鄉送其友莊詩成束筍

挑燈讀酒映梅花滿盞嘗自笑老人旬不出不知江柳已微黃

雪中花草又叢叢與子偕遊不畏風試問紅梅扶杖客何如烏角着巾公塗鴉人字兒爭貼乘鶴天師客笑空也算初春多樂事不教佳節過匆匆

送温莊亭回粵即用留別韻

驚聞又動祖生鞭是否歸心果浩然老矣我難重到粵歸歎君可復來絲飛鵬定有南圖日伏驥從無北轍年寄語昔年同學莫相思切莫斷吟箋

二月十六飲楊士華新宅

無邊風浪互驚猜幾使漁翁下釣臺獨有楊家賢父子華堂招客試春醅

二月二十五日避寇至成都和吳壽庭觀察聞予進城元韻二首

七十山翁值亂離出門不復問何之樓中酒別書千卷江上愁啣酒一卮多病翻嫌無死日窮途不信有生時錦城安堵驚如故桃李盈庭正賦詩

離家才別一園花及到官衙又憶家日月無情人竟老關山多故恨偏賒特來樹下求陰庇勝似山中保歲華

烽火滿天無定跡一車兩馬是生涯

劍南室小飲聯句二首

吳壽庭樹萱○李雨村調元
張玉溪懷淮 陳竺山一泖

聞說襄帷到劍南

雨村

一時名士望停驂

玉溪

後堂舊

許彭宣至

竺山

仙骨新從李泌探

壽庭

讌寢也容扶杖

入雨村

龍門不碍把杯談

玉溪

綺筵樺燭迢迢夜

竺山

聽取松濤竹籟含

壽庭

烽警催成文

一緣

壽庭

挑燈酌酒句爭聯

雨村

頭狼已

見從天浴

玉溪

社鼠何勞遍地穿

竺山

皂刺風生疑造

箭

雨村

柳花雨過競裝綿

壽庭

天心順處人心樂

竺山

仙侶追陪一快然

玉溪

過錦江書院觀舊日讀書屋

當年讀書屋

低首隔雙間四十年如夢三千里早還風

多窻紙破雨溜壁泥斑不為烽烟逼重來豈有閒

華陽署中觀牡丹兼送温莊亭回粵

牡丹已看劍南室懷閣山房又得窺人道文章惟爾大

若論標格非

春色便擬文章亦大家本
朝舒城詩人胡蘿岑疑咏牡丹句也

我言富貴舍君

誰紫袍借問何時換紅粉難言此日宜珍重別筵須痛

飲粵東無此好花枝

粵東無
牡丹

席上戲温門生漢臺

漢臺竟作伏生老白髮多添數百莖詩咏牡丹如處子

女抄制藝似書生風聲偃草猶回望霧眼看花總欠明
倘使移尊居上坐定應人喚我家兄

和壽庭觀察與程心吾張玉溪聯句元韻

涪江妖稜未全消縱有困園失灌澆花圃抽身何地樂
蓉城寄跡幸天邀萬家大父將焉往百世文宗定不祧
不爲謙尊光太甚聯吟准擬晝連宵

和壽庭觀察題水清玉潤集元韻

州名磊落是吾綿家有臨江負郭田性愛林泉忘後顧
老貪詩酒亦前緣誰知北棧烽連月竟欲東門夜放船
心尙驚疑吟未穩等閒幸勿付人傳

和壽庭觀察送陳竺山至臨邛再疊前韻四首

如焚憂到幾時消疊誦清詩似水澆却羨風流君獨占
只疑月旦我難邀姓名已歷三朝古科第應如七廟祧
自笑蠢翁衰太甚追陪不得共連宵

聞道相如渴未消臨邛欲倩酒頻饒居鄉野老容相見
入室門生不待邀偉業瓣香能獨奉后山的派敢輕挑
只愁下榻官衙屢難遣文君過獨宵

邇來愁壘倩誰消共勸糟邱劄用澆詩到應酬終欠好
酒非痛飲總虛邀燕毛髭喜堪藏老序齒人偏不許挑
惟有吾曹老高適寄來絕唱和通宵

傳說妖氛日漸消殺人如草似湯澆嶠中困虎搜還鬪
釜底遊魚赦敢邀恰近清明爭酒掃預先擇日告宗祧
最憐不肖童山老北望雲龍淚徹宵

寒食同杜耐菴張玉溪唐曉亭汪水門遊張園十首
三百青錢拄杖頭踏青時節例須遊竟邀尺五城南杜
同上東門小酒樓

踏青伴侶要能詩第一須辭沒字碑幸有水門工小調
不携檀板也相宜

飽聞張氏有三園欲得旁人問水原便把童蒙謂童山泉作
漁父頌君引我入桃源

槐葉微疎柳葉遮宮牆外面卽張家廟在孔後街何方攪得
玲瓏石坡老仇池未足夸

闌干曲徑鎖青苔聞道幽人出未廻洞裏乾坤如許大
便應喚作小蓬萊

已向他家見主人何須看竹必迎賓怪來城裏玫瑰貴
盡買醇醪醉一春園名牛畝盡栽玫瑰其門聯云抱甕灌園難免俗賣花買酒不爲貪

鐵樣枯根漆樣光竹亭小憇出山岡若將眼力爲疆界
占過西鄰十畝塘

不到張園二十年園名激晚字猶懸未知何處花香甚
恰遇風來袖樹前

野花無數透池生，倚倚荷錢入眼明。別有危樓登不得，家山遙望暮雲橫。

張園遊罷興猶酣，試問誰家酒滿甌。青石橋邊浣花水，錦江春色似江南。

三月十八日偕余雲溪驥潘東菴元音張雲谷邦

祥李珠庭元芝及余五人遊王樸園開業參軍堞

山園留飲奉贈

涪江聞寇退竊幸，此身有家遠雖未。歸亭近堪載酒聞，有堞山園高峙少。城後本隋蜀王池，上建又竊取江山。雖遞更風月總長久，遂令摩訶池半為後人剖。我有友

五人追遊日相誘，覩經奈子且述出。潘君口遂命買籃

輿，欵門剝啄扣主人。王樸翁白髮蒼髯叟，聞知有客來

倒屣亟命帚，一見便歡然。此乃真吾偶，豈知十年前。召

杜我父母君曾為編便開紹酒壘，自取金華肘君金華人維

時川東北蹂躪為賊藪，翁從營中來君署潼川青堤渡

衣塵甫抖擻，目擊烽火形為客。談至酉上言，天子明

將軍如虢吼，中言兵蠅縮。見賊先驚走，下言焚掠慘赤

子魚貫柳，惟言不殺老所釋。半黃耆坐客，顧相笑我輩

幸中壽，又言戎馬事翻覆。恐類手兵食孰為先，備防須

備煥平時宜，早籌急則可相守。不然祇靜鎮，深恐難扞

擬其言若太高其論實不朽惟聞綿竹警又令戰魏陔
歸期當暫停徐探信真否一笑謝主人釀再儲百斗世
事如浮雲轉瞬癡蒼狗

題王樸園

開業

祝姬人柴澆芬五十壽詩冊即用

自題元韻

墮馬當年學巧梳弱齡便解弄兄書澆芬何似延芳女
竊恐莘昭總不如

佳人難得復難求何況齊眉半白頭如此錦江春色好
採春偏為鏡湖愁

淮安題起便辛酸不好吳餐好蜀餐莫是郎身舊王衍

摩訶依戀儘盤桓

誰言花老不禁風身在蒼松翠柏中自笑當初雙碧玉
如今却似倚葭叢

日歸日歸竟未歸桐江空自想調餓不如將就宣華苑

百歲同心老釣磯

君園扁聯皆取名將蘇

我見伊人在水央無聲中饋出肴觴昨朝惜不藍橋遇
要看沉檀步步香

借奈雲溪潘東菴張雲谷李珠庭遊魯園和署觀

祭吳壽庭先生原韻

宅傍城陰水半坳別成邱壑自誅茅洞深疑只仙人到

戶小偏容野客敲魚潑刺時知在藻鳥驚飛處見遺巢
年來避寇幾無地訪得桃源肯暫拋

十八日聞賊渡潼東潘李二君

東菴善戲謔開口便絕倒作詩亦復然妙語不待藁惟
於兵戎事正色議征討恨不握兵符痛哭呼蒼昊曾上
萬言書一筆千軍掃惜乎謀不用無地展懷抱昨聞賊
渡潼漕泣告諸老吾言所關大不爲一身保東東菴

珠庭濶達人頗有懸河口高談天下事滿坐皆驚走我
聞撫掌笑此議真無負上以報 朝廷下以慰親友去
食雖孔言無食兵難久先從國帑借後按年租扣况聞

賊近潼天府恐難守城儲萬石糧可備三年糗東珠庭

華陽雷廣文地和留飲學署

重來石室訪文翁喜共雷公酒一中此是孔明爭戰處

孔明大戰于石室見金樓子石室卽今孔廟舊爲周公禮殿賊應夢不到周公

謝朱霞堂雲煥送浣花濯錦集

浣花濯錦女娘詞自古騷壇半蜀姬一騎索觀忙底事

麗人中有萬孃詩

王儀亭子詔留飲成都學舍仍用丙戌都門贈別

原韻二首并序

儀亭岳池人與余前後錦江書院肄業丙戌以

選拔入都同張惠宇德化見訪話別余有詩云
 席上諸公滾滾來一官空博廣文回笑能傾國
 人偏妬曲到知音調始哀別意感君如骨肉故
 人疑我落塵埃相逢為語狂猶昔止少當年酒
 伴催時余方由庶常改部故有哀字一聯今復
 避寇于成都而儀亭亦甫到廣文任故仍用前
 韻以敘濶懷

誰驅羸老錦城來烽火漫天尙未回山裏啼猿應憶侶
 江邊斷雁有餘哀同耽詩句仍如故新闢書齋絕點埃
 得樹軒中扳久坐酒童且勿太相催

東菴底事不能來是日東菴未至約客偏逢出未回
 扳劍王郎還起舞陳書買傳亦堪哀見賓日少衣無領
 避寇時多襪有埃細品新茶君解否准遊蒙頂不須催

支機石二首

支機底事落人間總為人如石太頑怪道錦江爭織錦
 天孫杼軸未收還
 兒殤誰不願魂還木客山魈一樣頑石果有靈能福汝
 不應淪落在人間石上多奇拜小兒禱帖

偶遊程園

不衫不履巾半掀非車非馬行無軒偶然動買陽羨興

不覺步入程家園爲問主人何姓字長鬚欲說心猶忌
曾尹華陽守貴陽鑿子龍塘占官地身雖爲吏心不俗
園中四面皆栽竹小筭還教挨石生垂鞭又見穿牆出
就中梅樹種成千香雪草堂名由傳恨不正月十二月
化萬放翁來梅前淮人愛池館未免離商氣杭人誇湖
山亦多露臺費栽種成陰須十年不如學用買山錢惜
哉黃金化成土縮地無出又賣田

和嚴麗生

學塗

題童山續集原韻二首

憂到蒼生但察眉愁來濡筆便淋漓一生愛學青蓮體
只恐三分畧似詩

不是吟髭排日撚良辰一失後難模自嗟老去才將盡
欲借燕公記事珠

移居丁字街杜耐菴親家宅和余雲溪見寄原韻
少陵疑是我前身漸覺詩於子建親但見干戈紛滿眼
渾忘鵝鴨惱比隣僻居幸免排門客得主欣逢我輩人
顧蓋漫言如舊識相知總覺白頭新

四月初四日夜大雨

嘉慶五年正月不雨至四月幾疑紫微宮中天公告公
出昨宵忽聞狂風驟雨驅電雷始知天公初御六龍回
我聞陰陽有時雨有數民是天民天自恤如何勾芒后

重刊詩集卷三十九
土俱曠官縱令蘊隆蟲蟲爲旱况當今年達州元宵
曼衍張龍燈萑苻數萬乘筏半夜踰嘉陵賊烟一舉人
烟絕千里百里如霞蒸豈無嘯嗒宿將拒江澚坐看火
光燿燿焚岡陵紅焰房屋青焰穀哭聲震地如山崩此
時儻使月離畢沱滂必似湯消冰如何束手竟不救致
令數萬男婦老幼呼天天不應古來西蜀稱天府所賴
嘉涪兩水阻倘令春霖添萬丈賊來豈有身生羽如何
淺可一葦杭城無百雉安能禦幸有刺史劉綿州日募
千夫掏溝不然蜀人重化碧神號鬼哭聲啾啾不意
上流止下流竟渡矣太和鎮守者爲誰賊蔓全川自茲

始雨不雨之利害至於此今朝一雨應天潑龍神社鬼
職當奪從來饑饉師旅連冤氣所聚結成愆若非將軍
德楞秦屢勝誅賊會枯禾安望雲霓活可嗟乎天若早知
天必亟先滅旱神後滅賊君不見一雨三日猶滴瀝如
聞天公痛哭流涕長嘆息

